



XIV 232595

L'VNION
des Princes.

M. DC. XVII.

Case

F

39

.326

16/7 uni

THE NEWBERRY
LIBRARY

JUN 20 1900

L'VNION

DES PRINCES.

NOus soubz signez, Considerant l'estat deplorable auquel est aujourd'huy reduit ce Royanne & la confusion qui le menasse d'une dissipation ineuitable, non sans iuste crainte que les ennemis d'iceluy tant domestiques qu'estrangers, ne veulent faire leur profit & se preualoir de la ruyne, s'il ny est bien tost pourueu : Auons estimé durant le bas aage du Roy & la detention du premier Prince du sang, ny auoir plus conuenable remede pour preuenir & arrester vn si grand mal, que nous vnir estroitement ensemble soubz les articles qui s'ensuiuent.

Premierement nous protestons demeurer fermes, & de ne nous dé-

partir iamais de la fidele obeïſſance
& tres-humble ſubmiſſion que nous
deuons , comme vrais & naturels
ſujets de cette Couronne , au Roy
noſtre Prince & ſouuerain Seigneur.

Et pource que notoirement les
Eſtrangers & leurs fauteurs ſe ſont
ſaiſiz & emparez de la perſonne du
Roy & de l'entiere adminiſtration
& absolu gouuernement du Royau-
me, qu'ils occupent iniuſtement &
exercent avec vne extreme tirannie
& oppreſſion , & que l'iniuſte &
violente detention de Monsieur le
Prince , ſans aucun crime & cauſe le-
gitime contre la foy publique du
traicté de Loudun , faiſt aſſez paroi-
ſtre qu'ils n'ôt autre but que la ruyne
de la maiſon de Bourbon qui reſte
ſeule de la maiſon Royale, la mort
de noz Princes & en icelle la mutua-
tion & ſubuerſion de l'Eſtat.

Nous promettons employer vna-
nimement tout nostre pouuoir, noz
vies & noz biens pour la conseruatiō
d'iceluy, & pour empescher les mise-
rables effets de si pernicieux desseins,
faire oster l'authorité publique des
mains de ses vsurpateurs, rendre au
Roy la dignité de sa Couronne, la
garder & maintenir en son entier,
tirer sa personne & leurs desseings
de leurs mains, faire deliurer & met-
tre en plaine liberté Monsieur le
Prince, reparer l'offēce qui luy a esté
faicte, en faisant chastier les autheurs
de ceste violence, & reuocquer tou-
tes les charges & dignitez données
depuis la detention à ceux qui y ont
participé.

Et pour remettre l'Estat en sa pre-
miere forme establir soubs l'autho-
rité souueraine du Roy le Conseil lé-
gitime des Princes du sang, des au-

tres Princes & Officiers de la Couronne & des anciens Conseillers d'Estat, qui ont passez par les grandes charges, & ceux qui sont extraicts de grâdes maisons & familles anciènes, qui par affectiō naturelle & interest particulier sont portez à la conseruation de l'Estat, & qui de droict durant le bas aage de noz Roys, & pour leur indisposition, l'administration, gouvernement, & direction des affaires publiques, est differé par les loix anciennes & fondamentales du Royaume qui excluent les femmes & les Estrangers: Et que si tant estoit (ce que Dieu par sa bonté vueille destourner) que le Roy vienne à deceder, declarons que nous entendons recognoistre apres son deceds pour nostre Roy & souuerain Seigneur Monseigneur le Duc d'Anjou vray & naturel heritier & successeur de la

Couronne, & durant sa minorité Monsieur le Prince de Condé legitime Regent & gardien du Royaume a qui cōme premier Prince du sang ceste prééminence appartient avec le Conseil cy-dessus pour la commune direction & administration des affaires du Royaume, sans souffrir qu'autre soit admis à la Regence du Royaume, ny mesme la Royne mere du Roy, au preiudice des loix de l'Estat.

Que s'il arriuoit que ses vourpateurs qui sont tres-expers à l'imiter le terme de la vie & comploter la mort de ceux qui seruent d'obstacle à leur desseings & entreprises, & qui ont accoustumé d'employer le cousteau & le poison pour en aduancer les effects vinssent à attanter par les moyens abominable à la vie du Roy & de Monsieur le Prince, nous iurōs

deuant Dieu d'en rechercher la iuste
 vëgeance par toutes voyes de droict
 & de fait auons possibles tant sur eux
 que sur leurs adherans domestiques
 & estrangers, à fin de laisser en leurs
 personnes vn exemple memorable
 à la posterité, tant de la fidelle affe-
 ction de vrayz suiuetz, que de la iuste
 punition d'vne perfidie & impieté si
 detestable, & à ceste fin employer &
 noz moyens & nostre vie, iusques à
 la derniere goutte de nostre sang, &
 adiurer à nostre posterité d'en faire
 le semblable apres nous. Et afin de pour-
 uoir à vn tel acci-
 dent, & à la seureté du Royaume,
 contre les desseings de l'Estranger &
 au gouuernement & administratiõ
 d'iceluy au deffault des Princes de
 Sang, ferons assembler les États ge-
 neraux du Royaume en lieu de libre
 & seur auec, afin d'y apporter l'or-
 dre

dre conuenable & neceſſaire.

Promettons auſſi de faire exactement executer & inuiolablement obſeruer les loix du Royaume, & particulièrement le traicté de Loudun pour le bien commun de tous les ordres de l'Eſtat & la ſeureté de tous les bons & fidels ſujets du Roy.

Ferons maintenir & entretenir les anciennes alliances, traictés & confederations renouucllées par le feu Roy avec les Princes, Potentats & Republicque eſtrangeres, amis, allies & confederez qui ſont en la protection de la Couronne, & reſtablir pour ceſt effect & remettre en la cōduite des affaires de l'Eſtat, les anciennes Maximes du feu Roy, dont il s'eſt ſi heureuſement ſerui durant ſon règne pour la ſeureté de ſon Eſtat, & la paix publique de la Chreſtiété, deſquelles l'on s'eſt deparry depuis ſa mort.

Promettons en outre de nous opposer sous l'autorité du Roy par tous moyens à nous possibles, mesme par nos iustes armes & assistance des bons allies & confederez de ceste Couronne à tous ceux qui voudroient empescher l'effect de ceste vnion, en laquelle nous n'auons autre but que de conseruer au Roy l'autorité & dignité de la Couronne affermir son sceptre en ses mains & de ses legitimes successeurs, & sous la commune liberté des François, maintenir nos vies, biens, honneurs & dignitez contre la desloyauté & perfidie de ceux qui ont conjuré nostre ruyne avec celle de la maison Royale & de tout le Royaume.

Et à fin que nous puissions mieux & plus seurement conduire vn si louable & necessaire dessein pour la commune desence de l'Estat, l'ob-

seruation des loix publicques & pri-
 uées d'iceluy, & la ruyné des ennemis
 du Roy & du Royaume par les no-
 stres, & par vne ferme liaison entre-
 tenir vne ferme & perdurable con-
 corde, & viure ensemblément cōme
 vrais membre d'un mesme corps,
 soubz le Chef qui sera choisi par no^r
 & suyuant les reglements qui serōt
 par nous cy apres. Nous promettons
 tous & donnons la main les vns aux
 autres, dont Dieu est tesmoin entre-
 nous, de garder fidelement ceste v-
 nion & faire toute chose & tout ce
 qui en dependra par commun con-
 seil & concorde les vns des autres, &
 par vne mutuelle correspondance &
 communicatiō nous maintenir, sup-
 porter & secourir enuers & contre
 tous, & à ceste fin renonçons à tous
 interests, respects, perils & conside-
 rations particuliers qui nous pour-

roient estre proposée au contraire,
pour conioinctement courir au se-
cours de celuy ou ceux qui seront as-
saillis & attaqué en haine de ladicte
vnion, ou en consequence d'icelle
directement ou indirectement par
quelque voye & par qui que ce soit
en faire nostre propre fait, & de con-
tribuer de bonne foy à nostre com-
mune deffence & de chacun de no^r
en particulier, & tout ce que Dieu
nous donne de pouuoir, sans excuse,
remise, ou tergiuerfation, & sans no^r
pouuoir departir de la presente vniō
& associatiō, ny poser les armes qu'il
ne soit pourueu aux choses dessus-
dictes, ny entendre aucun accord ny
traicté de paix, sinon d'un commun
consentement.

Sera la presente vnion & associa-
tion tāt pour nous que pour nos en-
fans & descendans d'eux que nous

entendons y estre cōpris, & auxquels
arriuant le deceds d'aucun de nous,
ou que pour cause nécessaire il fut
obligé de sortir hors du Royaume,
nous promettons en ce cas de rēdre
le mesme secours & assistance que
dessus.

Et pour euitier toute diuision &
mal entendu qui pourroient surue-
nir de nos assossiez ou de la pluspart
d'iceux en iuste nombre, auxquels
nous serons tenus d'aquiescer, sans
pource prédre pretexte de se refroi-
dir en ce qui sera de ceste presente
association.

Demeurera le present escrit ferré
entre nous sans venir en euidence, si-
non lors que par vn commun aduis
il sera iugé vtile.

Et pour la fin, protestons deuant
Dieu de garder inuiolablement les
articles cy dessus, le prions de nous

en faire la grace , & qu'il luy plaife
 tenir noz bonnes intentions, les con-
 duire & faire reüfir à l'affermissemēt
 de la Couronne. & au bien & con-
 seruation de nostre patrie.

F I N.



